




T 3060/603/b

20

Harvard College Library Imaging Services <http://imaging.harvard.edu>


CM	0	1	2	3	4	5	6	7	8	9	10	11	12	13	14	15	16	17
Lab D50 2°	95/0/2	81/0/0	66/0/0	51/0/1	35/0/0	20/0/0	29/19/54	55/-39/33	40/9/-43	42/57/29	82/4/79	51/50/-13	50/-28/-29					
	38/14/16	66/16/18	50/-5/-22	43/-14/21	55/-9/-25	71/-32/0	62/34/60	40/9/-43	52/48/17	31/21/-21	72/-23/57	73/19/68						






興安州  
圖

興	安
州	圖



里七百二十七界



東交鄖縣界 四百十五里

東南交鄖縣界 五百四十里

里九百界縣安長交北西

里二百四十四界縣陽山交北東

西交西鄉縣界三百四十五里


里四百四十四界縣平大交南西


里五百二十三界縣平太交



漢

江





西鄉境







漢陰境



鄧西境

關中勝蹟圖志卷二十八

兵部侍郎兼都察院右副都御史陝西巡撫臣畢沅纂

地理

興安州釋名續文獻通考明初沿舊名為金州萬歷間

改興安因徙置錫名也沿革一統志治在省城南六百

八十里禹貢梁州之域戰國屬楚秦為漢中郡地謹案

惠王漢置西城縣屬焉後漢分置西城郡謹案三國志

分漢中西城郡安魏改曰魏興郡屬荊州謹案水經注文

陽為西城郡

晉改屬梁州梁天監中於郡置梁州亦曰北梁州尋改南梁州西魏改東梁州謹案魏以晉昌褒中漢中又改

哈佛大學漢和圖書館珍藏印

金州謹案廢帝三年改隋復為西城郡謹案隋志西城郡有金城吉安二郡開皇

初並廢大業三年置西城郡唐改郡為金州謹案此武德元年天寶初改曰

安康郡至德初又改為漢南郡謹案新唐志作漢陰此從舊唐志乾元

初復曰金州屬山南東道五代初屬蜀後屬晉謹案職方考晉

高祖於此置宋曰金州安康郡屬京西南路建炎後屬

懷德軍尋罷謹案宋志四年屬利州六年復元仍為金州以

利州路隸京西南路十年復隸利州

州治西城縣省入屬興元路明初屬漢中府萬歷十一年改曰興安州二十三年直隸陝西布政使司

本朝因之領縣六曰平利洵陽白河紫陽石泉漢陰形勝

元和郡縣志北阻方山南臨漢水方輿勝覽秦頭楚尾

一大都會安康郡志東接襄沔南通巴蜀西連梁洋北

控商虢舊圖經自漢中而東則謂金多山嶺由均房而

東則謂金多平曠黃理仙忠惠王廟碑東接襄沔北阻

方山舟車輻輳商賈接踵州城通志舊城周六里有奇

北臨漢江萬歷十一年圯於水十二年復築新城於南

原移州治之

本朝順治初新城圯復移舊城康熙四十五年復圯明年

改築新城於趙臺山下在舊城南三里周七百三十三

丈門四

平利縣釋名舊唐書地理志梁於平利川置吉陽縣武

德初改曰平利以川名也沿革一統志在州南少東九

十里漢西城縣地晉置上廉縣屬上庸郡謹案寰宇記云晉於今平

利縣南川置上廉縣取上廉水為名考宋州郡志桓温

平蜀於此縣已置吉陽縣是先置吉陽屬晉昌後改上

庸屬上劉宋永初後廢蕭齊復置謹案齊屬梁改曰吉

陽西魏改曰吉安隋廢謹案隋志大業三年改吉安曰

西城即唐武德元年置平利縣屬金州謹案唐志武德

此縣也歷六年省入西宋熙寧中省入西城元祐中復置元省

城長慶初復置謹案續文獻通考平利洵明初復置屬興安州謹案明

本朝因之形勝劉博重建平利縣記在萬山之中接楚蜀

年復洪武五年

之境前則灌水縈紆後則月河旋繞縣志神峯聳立秀

水分岐縣志舊在白土關明洪武五年始徙今治

東西阻水南北倚山隆慶元年改築悉甃以石周四里

有奇門四

洵陽縣釋名國策蘇秦說秦王曰北有洵陽漢書地理

志洵陽旬水所出謹案洵旬二字同沿革一統志在州東一百

二十里戰國楚洵陽邑漢置旬陽縣屬漢中郡後漢省

晉復置曰郇陽謹案太康四年屬魏興郡劉宋復曰旬

陽齊因之西魏又曰洵陽隋屬西城郡唐武德初於縣

置洵州七年州廢縣屬金州謹案唐志武德元年置洵州分洵陽置驢川洵城二

縣七年州廢三縣屬金州貞宋因之元省明初復置屬  
觀二年省驢川八年省洵城  
興安州謹案洪武三年復

本朝因之形勝太平寰宇記縣在洵水之陽地理通釋南  
蔽夔陝西接梁洋為控扼之地通志背環洵水面臨漢  
江東接荆襄西通巴蜀縣城通志因山為之城阻水為  
之池周三里有奇門三

白河縣釋名通志明成化中置白河堡以白石河為名  
尋改為縣沿革一統志在州東四百里春秋時錫穴地

謹案路史云商錫國御姓漢置錫縣屬漢中郡謹案漢  
錫時之先今即鄉有錫穴志漢中郡有錫縣應劭音陽  
師古曰即春秋所謂錫穴也魏屬魏興郡晉因之劉宋

僑置南上洛郡謹案魏太武本紀太延五年遣雍州刺  
史取上洛劉宋上洛太守棄郡走是也

西魏改為豐利郡又置豐利縣謹案元和志以爲文帝立  
後周郡廢

隋屬西城郡唐武德初屬上州貞觀間屬均州宋省入  
鄖鄉縣明初為洵陽縣地成化十三年析置白河縣屬  
湖廣鄖陽府尋改屬金州後屬興安州

本朝因之形勝通志前臨漢江後擁天池北岡在左南臺  
在右縣城通志舊城明成化十二年築周三里有奇明  
末毀

本朝康熙二十六年改築周半里許門三

紫陽縣釋名通志因縣南紫陽灘為名沿革一統志在

州西南二百二十里漢西城縣地劉宋置廣城縣屬魏興郡齊因之後魏為寧都縣地謹案周書文帝紀大統十四年魏封宇文毓為寧都郡公是初為縣後亦為郡矣隋為安康縣地謹案隋志西城郡安東梁州唐初復為寧都縣地後為漢陰縣地明正德七年立紫陽堡八年陞為縣謹案明會典縣屬金州萬歷中屬興安州

本朝因之形勝州志西接梁洋南通巴蜀疆域志峯巒轟起江漢紆回險隘扼塞秦蜀之要區也縣城通志舊城明嘉靖三十五年築後毀

本朝順治七年就南隅改築周五百十步門三

石泉縣釋名太平寰宇記以縣北石泉為名沿革一統

志在州西北二百七十里漢安陽縣地謹案漢志漢中郡領安陽縣

晉永和十置晉昌郡領長樂等縣謹案晉志桓溫平蜀郡領長樂寧

都吉陽等十縣長劉宋末郡省縣屬魏興郡蕭齊復置樂即為今縣地

晉昌郡西魏改郡曰魏昌謹案寰宇記黃泉寶縣曰永

樂尋又改縣曰石泉後周郡廢謹案寰宇記以縣屬金

州隋屬西城郡唐大歷間省入漢陰縣謹案唐志聖歷元年曰武安神

龍元年復故名大歷六年省寰宇記云以戶口散落併入漢陰永貞元年復置謹案寰

貞元年姜公輔於舊所復立仍屬金州宋因之元省明初復置屬金

州嘉靖三十九年屬漢中府萬歷十一年屬興安州

本朝因之形勝通志東接荆襄西通漢沔南連巴蜀北距秦關縣城通志倚山阻水明正德四年築周三里門四漢陰縣釋名通志縣舊在漢水之南今縣移徙漢北仍襲舊名沿革一統志在州西少北一百八十里本漢陽安縣地魏屬魏興郡晉更名安康縣謹案宋州郡志以爲太康元年更名晉寧都縣也宋末置安康郡蕭齊因之後魏又於郡置東梁州西魏改曰直州謹案據隋志直州亦蕭梁舊名西魏因之耳尋改縣曰寧都隋州郡並廢謹案郡開皇初廢州大業初廢改寧都縣曰安康屬西城郡唐初於縣置西安州又改爲直州謹案此廣德元年也後廢以縣屬金州至德二載改曰漢陰宋因之元省明初復

置屬金州嘉靖三十九年屬漢中府萬歷十一年屬興安州

本朝因之形勝通志龍岡北枕鳳嶺南屏縣城宋史地理志紹興二年遷新店縣志卽今城所也明成化初築正德間甃以甃周四里門三

名山

興安州牛山在州北九十里唐書地理志西城縣有牛山謹案西城故城在州西北雍大記牛山爲州境羣山之冠元黃理仙忠惠王廟碑山上有靈泉禱雨輒應州志綿亘百餘里高入雲漢俗名牛頭山

月谷山在興安州東水經注漢水右對月谷山有月坂  
 焦陵山在興安州東隋書地理志金川縣有焦陵山  
 伏羲山在興安州東南太平寰宇記西城縣有伏羲山  
 按十道要錄云拋鉸二山焚香氣必合於此山路史注  
 伏羲山在西城與女媧山接

鯉魚山在興安州西四十里輿地紀勝與漢陰鳳凰山  
 相連以鳳凰為頭鯉魚為尾共一百二十里

鳳凰山在興安州西七十里雍勝畧懸聳萬仞冠絕羣  
 峯州志山西阻池河北阻越河東南阻漢亘二百五十  
 里跨興漢石紫四縣地

魏山在興安州南九里太平寰宇記晉吉挹為梁州時  
 為苻堅所攻於縣南九里峻山上築城固守謹案魏即  
魏字峻與

魏義同州志云自心山至此二里  
三面險絕惟北小逕可捫葛而登

趙臺山在興安州南二里元和郡縣志梁時漢水泛溢  
 人皆走避此山通志州南三里曰歡喜嶺山色皆赭有  
 巨冢俗傳堯第九子冢昔有牧兒陷入見殿廷儼然皆  
 上古時物以土封之遂失其處

三教山在興安州北一百二十里通志山甚高有二龍  
 湫相傳南嶽禪師所度二龍居民歲旱每禱雨於此  
 心山在興安州西北五里太平寰宇記漢宣帝時北平



楊厥為漢中守經此山有西遁意遂不之郡學道見金羊因易為姓今其地羊氏厥之族也山下多殊草有風必偃無風獨搖上有石壇

西城山在興安州西南二里州志古縣治建其下今有

三石塔存

謹案寰宇記西城故城在漢江北西城山東與州志不合

白雲山在興安州東北五里通志白雲泉出焉一名卓

錫泉相傳為南嶽懷讓禪師卓錫得泉處

鶻嶺在興安州東雍勝畧接上津縣界地極險要

柴扉洞在興安州南七里輿地紀勝平利縣北數十里

有香溪柴扉洞

已上興安

女媧山在平利縣東三十里唐書地理志平利縣有女

媧山九域志西城縣有女媧山晉桓溫伐秦其將司馬

勛為苻雄所敗退屯女媧堡即此

蟠冢山在平利縣西四十里通志相近有風洞深不可

測四時有風從穴中出

謹案此非漢水所出之蟠冢

藥婦山在平利縣東南百里周地圖記昔有夫婦攜子

入山其父墮崖其妻子搗藥救之尋化為三石人太平

寰宇記今山頂藥臼尚存故老云有仙學道於此

八里岡在平利縣東九十里通志一名萬粟岡東西凡

八里其地山環若城水繞如帶明嘉靖初縣被水議徙

治於此居民重遷事遂寢已上平利

北山在洵陽縣北漢書地理志北山洵水所出謹案今州北三

教山之東有山聯巨者疑卽此也水經注旬水出旬山謹案旬山北山之別名

雞鳴山在洵陽縣北太平寰宇記漢水記云黃土縣有

雞鳴山

留停山在洵陽縣南二里太平寰宇記行人登之愛其

秀拔多留停縱覽因名

當門山在洵陽縣東一百七十里輿地紀勝兩峯相對

望之如門

神仙山在洵陽縣東七十里名山記山有神仙洞洞內

有生成石蓮花十九朶石獅子一

臨崖山在洵陽縣東一里通志峯巒環擁南枕漢江北

控鶻嶺

麻嶺山在洵陽縣東九域志縣有麻嶺山

金州山在洵陽縣東九域志縣有金州山

羊山在洵陽縣北四十里通志卽終南之支也連絡千

里相傳爲福地修仙之所絕頂西接商鎮南瞰漢江人

跡罕到有一鐵釜可容水數石古松一株大數十圍世

傳張良辟穀於此觀址尚存

紫荊山在洵陽縣東南五十里通志有洞深可五六里

號仙洞山後有石池池旁有石蓮花

黃杼嶺在洵陽縣西三里通志上通黑山嶺為一邑主

山謹案杼落圖切黃杼木名可染

懸書崖在洵陽縣南水經注崖高五十丈刻石作字人

不能上不知所道山下有石壇上有馬跡五所名曰馬

跡山已上洵陽

錫義山在白河縣東北隋書地理志豐利縣有天心山

元和郡縣志錫義山在豐利縣東北六十里一名天心

山水經注錫縣有錫義山方圓百里形如城四面有門

上有石壇長十餘丈世傳列仙所居九域志鄖陽縣有

### 錫義山

伏龍山在白河縣南二里唐書地理志豐利縣有伏龍

山謹案豐利故城在今縣南

南竹山在白河縣西南百二十里接湖廣竹山界通志

大白石水出此又縣東南一百三十里有申公嶺小白

石水出焉

印臺山在白河縣南一里通志層巒方正形如印臺故

名一名南臺山

胡鼻山在白河縣北水經注漢水東逕龍淵淵上有胡

鼻山石類胡人鼻故也

鳳嶺在白河縣西北雍勝畧形如鳳翥故名縣志一名

繡屏山已上白河

鳳凰山在紫陽縣北七十里接漢陰界太平寰宇記周

地圖記謂鳳凰山為龍子山山疊嶂有十二層道書云

鳳凰山十二層上有仙人藥園

神峯山在紫陽縣北通志數峯壁立如屏縣治枕其麓

三台山在紫陽縣東三十里通志山形疊聳其中有石

洞龍泉又相近有三十六峯羣峯簇擁為諸山冠

滴水崖在紫陽縣北十里通志崖上有洞洞有石龍吐

水又有太白池深不可測禱雨輒應

紫陽洞在紫陽縣東南三里雍勝畧洞在紫陽灘之崖

洞有三各深丈許宋紫陽真人張平叔修煉之所

雞鳴坡在紫陽縣西南六十里雍勝畧坡甚高相傳漢

高祖微行至此聞雞鳴遂止已上紫陽

直山在石泉縣東南輿地紀勝石泉縣有直山謹案水經注直

水出直谷直山當卽是谷此山與漢陰縣接界

天池山在石泉縣西四十里縣志自麓至頂二十里上

有天池大可三四畝內產紅白蓮花

十八盤山在石泉縣南五里漢江南岸雍勝畧盤曲十

八折乃達其巔

天平山在石泉縣東南八十里雍勝畧在漢江南岸其山高峻絕頂坦平約畝許縣志一名太平山

饒風嶺在石泉縣西七十里宋史吳玠傳紹興三年撒離喝取金州趨梁漢興元守臣劉子羽命田晟守饒風關吳玠馳至大戰饒風嶺

煙波洞在石泉縣西南六十五里縣志漢水之濱峻壁懸崖其下為洞深不可測中有靈湫旱禱輒應石泉

鳳凰山在漢陰縣南二十五里縣志南繞漢江東西二百餘里中有峯似鳳因名

梁門山在漢陰縣東六十里元和郡縣志梁門山在縣

東八十里梁將王神念開拓州境以梁門為之門太平寰宇記月川水之原也

煉丹崖在漢陰縣南八十里通志有黃龍洞相傳為黃龍禪師入定處

玉皇洞在漢陰縣東三十里陳典丹崖洞記邑東三十里許曰丹崖峭壁孤懸有古洞三惟臨堤一洞猶可攀援其中及最上者路懸一線下視千仞登者難之漢陰

大川水利

興安州漢水在州城北一里自紫陽界入境又東南入洵陽界水經注漢水逕魚脯谷口又東逕鰲池南鯨灘

又東逕嵐谷北口又東右得大勢右對月谷口又東逕  
西城縣故城南又東為鱸湍元和郡縣志漢水去州城

百步州志漢水諸灘在州境者以神灘為最險唐釋無

水晚次神灘阻風詩驚風山半起舟子忽停橈岸荻吹  
先亂灘聲落更跳聽松欲今暮過島或明朝若盡平生

趣東浮  
看石橋

嵐水在興安州西南七十里水經注漢水東逕嵐谷北

口嶂遠溪深澗峽峻邃氣蕭蕭以瑟瑟風颼颼而颼颼

故川谷擅其目通志自平利縣界流入州境源出化龍

山東流七百餘里中有仙人碣巨靈跡鎖龍椿諸勝至

石泉壩北流入漢

吉水在興安州西南十五里水經注漢水右得大勢勢

阻急溪故亦曰急勢元豐九域志西城縣有吉水州志

吉水自界嶺來北流入於漢謹案急勢城即晉梁州督  
護吉挹所治則吉河或亦

因吉挹  
而名也

月河在興安州西七里自漢陰界流入又東南入漢水

經注月谷山有月坂月川於中黃壤沃衍桑麻列植饒

有水田故孟達與諸葛亮書善其川土沃美也州志一

名越河自鳳凰山東流至石泉受遲河水至漢陰受漆

河水過越嶺關受魚溝水又受恒河水昔經牛山麓明

末南徙又東受傅家河水又東流數十里入漢水口僅

可容舟

黃羊河在興安州東南五里一統志源出平利縣西北

流至州東入漢謹案羊亦作洋

金泉在興安州東二里輿地紀勝子城東之井也取金

生水之義

長春堤在興安州東一里一統志州境凡水漲時黃羊

河與漢江會合涌溢上行堤介黃羊漢江二水間鑿竇

為閘以時啓閉明成化十五年增築萬歷崇禎間重修

為一城保障其相連者又有白龍隄

千工堰在興安州西七十五里通志恒河發源燕子嶺

西南流二百七十餘里至龍口築堰名千工堰引水分

上中下三渠後淤塞康熙五十六年於龍口南七里更

築永豐堰共溉田一千一百餘畝

大濟堰在興安州西北三十里通志引傅家河開渠六

道溉田二千餘畝

南溝堰在興安州西一百里通志南溝水出鳳凰山在

越嶺之西越河之南土人名為大南溝築堰蓄水溉田

千餘畝已上興安

嵐水在平利縣西南百五十里源出四川太平縣界北  
流至興安州界入漢

黃羊水在平利縣西南三十里太平寰宇記唐武德八年移平利縣於黃羊水之北縣志源出風線口西北流入州境注漢江聲水在平利縣南二十步太平寰宇記唐武德八年移平利縣於聲水之東

障月河已上平利月溪隄在平利縣北門外通志明嘉靖三十七年築以

漢水在洵陽縣南一百十步自興安州界流入又東入白河界水經注漢水自鱸湍又東合旬水又東逕木蘭塞南又東左得育溪又東得甲水口太平寰宇記漢水在廢涇陽縣城謹案涇陽故城在今縣東縣志漢江在縣南門外至

縣東三十里為構園沱夏秋水漲舟行甚艱又至縣東百五十里有仙灘又東三十里有藍灘亂石縱橫怒濤洶湧為舟楫患

閭河在洵陽縣西二十五里即澗水源自平利縣來北流入漢太平寰宇記澗水在縣西二十七里一名閭谷水北注於漢其閭字亦為驢字縣志閭河源出連尖山金河神河壩河平頂河之水皆會焉北流入漢謹案唐驢川縣即以此水名古閭與驢字同也

洵河在洵陽縣東百二十步漢書地理志旬水出旬陽北山水經注旬水北出旬山東南流逕平陽戍下與直



水枝津合又東南逕旬陽縣與柞水合又東南逕旬陽縣南又東南注漢謂之旬口雍勝畧出自西北山流入漢江縣以是得名縣志源出鎮安之秦嶺南流入漢長八百里東西北三面遶縣治

柞水在洵陽縣西北百四十里源自鎮安縣東北乾祐山東南流合於洵河水經注柞水西出柞溪南流逕重崖堡西屈而東流逕其堡南又東南注於旬水通志今名乾祐河

育溪水在洵陽縣東百四十里水經注漢水左得育溪與晉旬陽分界太平寰宇記洧水在廢洧陽縣西一百

步自商州上津縣來東南注於漢謹案洧與育通元豐九域志

洵陽縣有洧水雍大記一名蜀河

蓮花池在洵陽縣東西北各五里通志池凡三出其三門不由浚鑿皆天成也池中花盛則年豐

水田坪堰在洵陽縣北一百八十里通志洵河至水田坪築堰又南流五十里為洵河堰溉田三千餘畝已上洵陽

漢水在白河縣北三里自洵河界流入又東流入湖廣鄭西界水經注漢水又東為龍淵又東逕錫縣故城北

為白石灘又東逕長利谷元和郡縣志漢水南去豐利縣二十里

長利水在白河縣西北南流入漢太平寰宇記上津縣有長利水亦名仙水西北自豐陽縣流入豐利縣界謹案

上津縣今屬鄖西豐陽縣今屬山陽

白石河在白河縣西南二里水經注漢水東逕錫縣故

城北為白石灘縣志源出竹山界東北流去縣二里入

漢江又小白河在縣東南九十里亦出竹山界北流入

白石河

龍井渚在白河縣北水經注胡鼻山下臨龍井渚淵深

數丈已上白河

漢水在紫陽縣南門外自漢陰界流入又折而東入興

安州界水經注漢水自逕寧都縣南又東逕魏興郡廣

城縣又東得魚脯谷口謹案寧都縣今屬漢陰廣城故城在本縣東南西城縣在州境

魚脯水在紫陽河東水經注魚脯谷西城廣城二縣指

此谷為分界也

松溪在紫陽縣北八十里南流入漢水經注寧都縣治

松溪口

任河在紫陽縣西南一里通志源出四川大寧縣流逕

太平縣又至縣境北流入漢崖路崎嶇通西蜀道

汝河在紫陽縣東南三十八里通志有東西二源出於

四川之界嶺北流入漢已上紫陽

漢水在石泉縣南五十步自西鄉界流入又東入漢陰界水經注漢水自會洋水又東歷敖頭又東合直水又東逕直城州志石泉縣西四十里漢江中有洪石灘灘下百餘步有閘王坂石崖陡峻鑿孔為路灘中石大水急舟行最險

直水在石泉縣東五十里自鎮安界流入水經注直水北出子午谷巖嶺下又南枝分東注旬水又南逕蕤閣下又東南歷直谷逕直城西而南流注漢魏書地形志安康縣有直水謹案安康故城在漢陰縣界太平寰宇記直水源出永興軍乾祐縣弱嶺姜子關南流逕漢陰縣西又南注

於漢其北流當終南山子午谷路謹案乾祐縣今屬鎮安元豐九

域志漢陰縣有直水謹案唐大歷間省縣入漢陰雍勝畧直河源自

長安縣腰竹嶺來至蓮花石南入漢江相傳此水易漲

難退故又名遲河其地沃衍謹案直與遲聲近而訛

王水在石泉縣西九域志王水在縣西八十里太平寰

宇記梁武帝立晉昌郡治王水口

饒風河在石泉縣西十里雍大記饒風嶺下有饒風河

紅河在石泉縣東二里雍勝畧兩岸沙石皆紅源出五

橫嶺南流入漢

石泉在石泉縣南五十步謹案寰宇記石泉在縣北雍勝畧其泉清

泐四時不涸縣以此名石泉

漢水在漢陰縣南九十里自石泉界流入又東南流入

紫陽界水經注漢水自合直水又東逕直城南又東逕

千渡至蝦蟆頤歷漢陽漁口而屈於彭溪又東逕晉昌

郡之寧都縣南謹案直城故城在縣西寧都故城在縣東南

月川水在漢陰縣西百步唐書地理志漢陰縣有月川

水元和郡縣志月川水出縣東梁門山通志源出月嶺

山東流入州界注漢江明成化間水漲壞民廬舍遷民

居於水西築隄障之

恒河在漢陰縣東二十五里雍大記北岸有古之淘金

場縣志其水流入興安界八月河已上漢陰

古蹟 第宅

興安州宋勸忠堂在興安州治通志宋建明成化十五年州守鄭福增構室宇積圖書植花卉瓜蔬為退思宴賓之所今復廢

青碌局在興安州西一百五十步通志碧鈿青碌諸洞凡二十餘處自宋以來每歲辦採明始停閉改為預備

倉

忠歸亭在興安州南五里一統志見宋陳師道記

鳳亭在漢陰縣東十五里一統志見輿地紀勝

紫陽閣在紫陽縣紫陽洞內通志宋建元楊奐紫陽閣詩碧瓦朱甍動

紫烟清風吹袂渺翩翩夢回憶得三生事悔落黃塵六十年

古蹟 祠宇

上古女媧祠在平利縣東十五里元豐九域志女媧山

上有女媧廟

虞舜祠在興安州城北帝王世紀西城縣有虞舜祠水

經注西城縣故城內有舜祠

漢高祖廟一在興安州城北水經注西城縣故城內有

漢高祖廟一在洵陽縣西梁州記洵陽縣南山高祖廟

在焉廟側有泉太平寰宇記洵陽縣南山下有漢高祖

廟

昭烈廟在漢陰縣西一統志元至正三年建

鄼侯廟在興安州城內一統志明成化十八年建

子房觀在洵陽縣北一百二十里明一統志洞壑幽邃

遇早禱之即應

隋皇道觀在洵陽縣西一統志有隋開皇中所鑄鐘

唐忠惠王廟在興安州北牛山祀金州刺史崔偉天下

名山記中和三年黃巢亂有太白山人獻計於偉曰一

發牛山則巢滅掘之得一石桶黃腰獸置劍其上獸自

殺巢敗公由是得道宋嘉泰中封忠惠王謹案王明清揮塵錄亦載

其事作崔堯封或云堯封偉之字廟內有元黃理仙重修廟碑至正甲午仲夏立

新羅寺在興安州西六里一統志唐懷讓禪師庵謹案寺有

宋嘉定時所鑄鐘上作四神立像下則書銘及題名今移置州南純陽宮

萬春寺在興安州北白雲山下一統志初名萬頃寺唐

建在今寺之東後移於此更名萬春寺前有萬春洞洞

內外多唐宋人題名宋李宗道萬春洞詩何山鑿出洞

崇梵宇壁間石室塑觀音接天遠岫巍千古跨礪飛虹映百尋極目憑欄多少景一回到此一寒心

宋東嶽廟在興安州南二里州志紹興二年宣撫使張

浚建宋續脩重修東嶽廟記皇帝即位之四年金人大

赴援兵號十萬行次安康大霖雨淖弗進春三月乙丑公躬禱於東嶽天齊仁聖帝廟曾不移刻神聽昭荅

祥風披霧霽飛空揚谷炳煥萬彙昭蘇庚午大軍啓行公曰神之威靈其曷敢不報惟是廟貌湫隘壅底將

何以嚴恭在天之神乃發錢五十萬命郡守王侯因其殿廡稍更張而薄飾之俾權知西城縣事高楫董其事

越明年二月告成輪奐規模光徹雄大入其庭者罔不戰肅奔走以迎神庥夫春秋之義凡舉必書是舉也大

臣奮忠以勤王嶽神應期而昭格郡守將命而即事皆合於義而得其序者也不可以不書

天聖寺在興安州西西津渡之南一統志宋建

明原公祠一在興安州城內一在洵陽縣治東一在紫

陽縣治西一統志祀鄖撫原傑

東明庵在紫陽縣西八十里一統志成化中建棟宇壯

麗甲於漢南

本朝忠烈祠在興安州治西一統志祀署商洛道袁生芝

知州屈良貴州判孫嘉允俱順治三年守城殉節者

古蹟 郊邑

唐虞媯墟在興安州之梁州故城應劭地理風俗記世

本媯墟在西城縣西北舜之居穎容釋例舜居西城本

曰媯汭雍勝略帝王世紀謂之姚墟

謹案漢中府城固縣亦有媯墟

石紐村在洵陽縣東一百三十里一統志石高八尺深

九尺旁鑄禹穴二字穴右有泉味甚清冽世傳禹決漢

水居此書蕉石泉縣石紐村大禹生此石穴杳深入跡

不到近世掘地得古碑有禹穴二字乃李白所書乃知

會稽禹穴之誤

謹案二說頗異今姑兩存之又揚雄蜀王本紀云禹本汶山郡廣柔縣人生於

石紐括地志茂州汶川縣西七十里石紐山又十三州志隴西大夏縣有金紐城晉書地道記縣有禹廟禹

所出也據此則石紐之地自古本無定在也

漢洵關在洵陽縣南史記高帝本紀酈商別將攻旬關

西定漢中

謹案正義作狗關

聖公館在洵陽縣東太平寰宇記黃土縣雞鳴山北十

五里有聖公館光武義兵屯此

舊子午道在漢陰縣西北水經注直水北出子午谷通

鑑地理通釋安康縣有舊子午道梁時別開乾路於黃

金縣境舊道遂廢

鄖關在平利縣東南一百五十里與湖廣竹溪縣交界

水經注漢水又東逕鄖鄉縣故城南卽長利縣之鄖鄉  
漢書地理志長利有鄖關

三國伎陵城在洵陽縣東漢江南岸其北岸爲木蘭寨  
晉書宣帝紀魏太和元年新城太守孟達連吳蜀謀舉  
兵帝潛軍進討吳蜀各遣其將向西城安木蘭寨以救  
達水經注漢水東逕木蘭寨南右岸有城名伎陵城周  
廻數里左岸壘石數十行重壘數十里中謂是處爲木  
蘭寨云胡三省通鑑注伎陵城在金州洵陽縣庾仲雍  
漢水記謂蜀兵救孟達之所

孟達墓通志在石泉縣東一里臨崖寺右

晉吉挹城在興安州西南六里水經注漢水右得大勢  
勢阻急溪依山爲城城周二里在峻山上晉梁州督護  
吉挹所治苻堅遣韋鍾伐之挹固守三年不能下無援  
遂陷元和郡縣志吉挹於急口峻山築壘固守在西城  
縣西南魏山上

唐方山關在漢陰縣西三十二里唐書地理志方山關  
貞觀十二年置宋史高宗本紀紹興二年金人攻方山  
原統制楊政援之遂引去

申口鎮在洵陽縣東唐書地理志縣東有申口鎮城  
茅壩關在紫陽縣西南一百二十里任河旁接西鄉及



四川太平縣境通鑑乾祐四年許存為荆南節度使成  
汭所襲屯於茅壩

漢陰驛在漢陰縣

唐竇鞏漢陰驛真宇文十相遇贈別詩吳蜀何年別相逢漢水頭望鄉心

共醉握手淚先流宿霧千山曉春霖一夜愁離情方浩蕩莫說去刀州

五代歸安鎮在興安州北五里通鑑周顯德五年李玉

至長安或言蜀歸安鎮在長安南三百餘里可襲取也

玉信之蜀兵據險要之敗沒長安志歸安鎮在乾祐南

一百二十里

宋白土關在平利縣東一百五十里宋史王彥傳建炎

四年桑仲乘勢西攻直搗金州白土關彥擊敗之

饒風關在石泉縣西六十里饒風嶺上中分石泉西鄉

兩縣界宋史楊政傳金人攻饒風關政從吳玠戰關下

敗之吳玠傳玠小校奔金道以祖溪間路出關饒風諸

軍不支遂潰

謹案祖溪在關北四十里

明金雞寨在平利縣東南二百里通志自金毛關平地

突起一山高百丈周環有水明正德間屯兵於此


本朝七百關在洵陽南一百五十里一統志為楚蜀之衝

舊置銅錢關後以山僻難守移建於七里溝故名康熙

元年設守備駐此雍正十三年改設都司

四志卷二十八終


域	燕	州	田	田
圖				





黃河  
精

陵  
圖





黃帝橋陵圖



關中勝蹟圖志卷二十九

地理

兵部侍郎兼都察院右副都御史陝西巡撫臣畢沅纂

鄜州釋名通志後魏州名郭子章云以地有鄜水故也

謹案鄜字應作鄜孟康音敷

沿革一統志治在省城北五百五十里

禹貢雍州之域春秋時白翟地戰國魏雕陰邑秦置雕陰縣漢屬上郡後漢因之晉廢後魏為北華州地西魏

為鄜州地隋開皇三年始分置洛交縣

謹案元和志作十六年此本隋

志大業三年移鄜州於此

謹案西魏改北華州曰鄜州在中部縣界至隋始移鄜州

治洛交縣即改為鄜城郡尋又改曰上郡唐武德初復

曰鄜州天寶初改曰洛交郡乾元初復曰鄜州屬關內道五代因之宋曰鄜州洛交郡保大軍節度屬永興軍路金曰鄜州保大軍節度屬鄜延路元曰鄜州以州治洛交縣省入屬延安路謹案元志書鄜延路元改延安路明屬延安府

本朝雍正三年直隸陝西布政使司領縣三曰雒川中部宜君形勝唐封敖劉礎鄜坊節度使制渭州之北秦山之東乃眷雕陰實曰鄜時兵家完勁賦輿殷繁扼朔塞之咽喉為鎬京之管鑰又陳君從鄜州節度使制洛水交波鄜城舊時地當寇壘界接王畿外為襟帶之邦中有賦輿之實太平寰宇記秦塞要險地連京師延安府

志山峙水環城當衝要延州喉襟之地州城通志西阻龜山東帶洛水有內外二城元時所築明嘉靖中為洛水所圯外城稍移於內內城周二里有奇門三外城周二里有奇門四

雒川縣釋名元和郡縣志姚萇置洛川縣以縣界有洛川水為名沿革一統志治在州東南六十里秦鄜時地漢置鄜縣屬左馮翊後漢省後魏置敷城郡太平真君

中置洛川縣謹案元和志北鄜城郡屬北華州隋屬上郡唐屬鄜州五

代宋謹案宋志鄜州領宜川一縣文獻通考鄜州領五縣洛川與焉致鄜州自建炎三年沒於金金志所轄縣並仍宋舊亦有五縣明係宋史脫誤因附志於此金元明俱不改泰昌初易



洛爲雒

本朝因之形勝延安府志山城天塹據險成雄爲鄜延衝

路王高修城記枕鄜之胸跨韓之背縣城通志緣山阻

澗元時築周二里有奇門三又東關城明正德初築周

三里有奇門三

中部縣釋名通志漢渠搜中部都尉治此姚興始置縣

從中部都尉之舊也沿革一統志治在州南少西一百

四十里漢置翟道縣屬左馮翊後漢省東晉時姚秦置

中部縣謹案姚興置後魏置中部郡謹案中部郡屬北華州太和十五

年置東秦州孝明帝改曰北華州西魏廢帝三年改曰

鄜州謹案通典後魏北華州周改爲鄜州此本隋志故與通典稍異隋改郡縣俱曰內

部謹案時以廟諱改開皇三年郡廢大業初州廢屬上郡唐武

德二年復改縣曰中部於縣置坊州謹案舊唐志周太和元年元皇帝作

牧鄜州於此置馬坊武德二年分置坊州以馬坊爲名天寶初復曰中部郡乾元

初復曰坊州屬關內道五代因之宋曰坊州中部郡屬

永興軍路金曰坊州屬延安路元至元六年州廢縣屬

鄜州明不改

本朝因之形勝延安府志北據橋山南環沮水屹然鄜延

門戶縣志序橋山頂峙沮水腰纏秦中一名勝區也縣

城通志因沮水爲濠明成化中改建萬歷初增築南關

外城崇正初又增築北關城周四里有奇門三唐舒元

按獄詩中部接戎塞頑山周四遭風冷木長瘦石磽人

亦勞牧守苟懷仁瘡之時為搔其愛如赤子始得無啼

號奈何貪狼心潤屋沉脂膏攫搏如猛虎吞噬若狂葵

山秃逾高採谷窮益深撈龜魚既絕跡鹿兔無遺毛氓

苦稅外緡吏憂笑中刀大君明四目燭之動秋毫眷茲

一州命慮齊墜波濤臨軒詔小臣汝往窮貪饕分明舉

公法為我緩窮騷小臣誠小心奉命如煎熬飲冰不待

夕驅馬凌晨臯及長督藩書遊詞出狴牢門墻見狼狽

案牘聞腥臊探情與之言變態如姦狻真非既巧飾偽

意乃深韜去惡猶農夫稂莠須耘恢恢布疎網罪者

何由逃自顧孱鈍資利器非能操六旬始歸奏霜落秋

原蒿寄諭守土臣努力清郡曹須知聽甚卑勿謂天之

高

宜君縣釋名魏書地形志縣有宜君水沿革一統志治

在州南一百十里漢左馮翊祊縣地東晉時苻秦置

宜君護軍後魏太平真君七年置宜君縣屬北地郡西

魏置宜君郡謹案元和志後魏宜君縣文帝隋開皇初

郡廢屬京兆郡唐初屬宜州貞觀十七年廢二十年復

置謹案十七年州縣並屬雍州永徽二年又廢龍朔三

年復置屬坊州五代宋金因之元改屬鄜州明不改

本朝因之形勝延安府志城據山巖路當衝要縣城通志

明景泰中築周五里有奇門三

名山

鄜州大槃山在州西北元和郡縣志在直羅縣西北一

百十里謹案直羅故城在州西又案金志直

羅縣有水槃山水槃即大槃之訛

臥牛山在鄜州東北五十里雍勝畧山形似臥牛故名  
壽峯山在鄜州西南百二十里州志相近有馬尾崖相  
傳唐太宗出征憩此山石有馬尾遺跡

開元坡在鄜州治西雍勝畧上有開元寺白松甚奇古  
龍尾坡在鄜州東十里通志山蜿蜒如龍

黑鷹崖在州東二十里舊多黑鷹棲此相傳唐太宗見  
而射之矢跡猶存

葦谷在鄜州南五里水經注葦谷水原出葦谷

砂羅谷在鄜州南八里水經注砂羅谷水出砂羅谷上

鄜州

女陰山在雒川縣南魏書地形志鄜城縣有女陰山  
白起山在雒川縣北二十里通志秦白起屯兵於此故  
名

九郎山在雒川縣西南八里通志宋淳化間建九郎廟  
土人旱潦禱此

鄜時山在雒川縣南七十里縣志秦祀五時此其一也  
鄜城以此為名

黃龍山在雒川縣東南百二十里接白水界雍勝畧常  
有黃雲罩其上髣髴如龍曳

爛柯山在雒川縣東南六十里通志相傳為王質遇仙

爛柯處其相近有黃梁谷黃梁水所出

黃梁谷在雒川縣東南六十里周地圖記姚萇立節將

軍楊班居黃梁谷

馬翅谷在雒川縣南八十里縣志宋李顯忠屯兵於此

宋史紹興中李永奇謀南歸金人殺之於馬翅谷

龍舌崖在雒川縣東北三十里龍尾灣通志一峯回顧

狀若龍首飲水上立一石長七八尺風撼則動而不墜

已上雒川

橋山在中部縣北一里爾雅釋山山銳而長橋釋名形

作橋也謹案今爾雅作銳而高非橋或作嶠亦非史記漢武帝北巡朔方還

祭黃帝於橋山延安府志華蓋山在橋山後三峯秀麗

形如張蓋高出諸山即橋山之支麓唐舒元輿橋山懷

萬秋淥波浩蕩東西流今來古往無不死獨有天地長

悠悠我乘驛騎到中部古聞此地為渠搜橋山突兀在

其左荒榛交鑠寒風愁神仙天下亦如此况我感促同

蟬游誰言衣冠葬其下不見弓劍何人收哀喧叫笑牧

童戲陰天月落狐狸遊却思皇墳立人極車輪馬跡無

不周洞庭張樂降元鶴涿鹿大戰摧蚩尤知勇神天不

自大風后力收輸長籌襄城迷路問童子帝鄉歸去無

人留崆峒求道失遺跡荆山鑄鼎餘荒邱君不見黃龍

縣北八十里者曰高栢山皆橋山之支阜惟中部沮水所過之山獨受正名而榆林府西北又有橋門後漢靈帝時段熲追羌出橋門水經注橋山有長城門故謂之橋門樂史云橋山南連耀州北抵鹽州東接延州綿延八百餘里蓋邠寧環慶延綏鄜坊諸郡邑皆在橋山之麓宋人所稱橫山之險亦即橋山北陲諸家地志或不知其綿亘廣遠各指一山為主名是此非彼要為方隅之見又案山海經蒲谷水源出橋山金史亦言中部縣有蒲谷水今此水源流莫辨宜從闕疑之義焉

鳳凰山在中部縣西一里縣志其形似鳳一名二郎山

淺石山在中部縣西北魏書地形志狄道縣有淺石山

謹案水經注有焦石山應即淺石之說

香山在中部縣西南三十里太平寰宇記香水出香山

石堂山在中部縣西北四十里穆天子傳天子南征朔

野逕絕翟道水經注豬水西出翟道縣西石堂山太平

寰宇記本名翟道山謹案魏狄道故城在縣西北豬水當即淺石川也

雙鐘山在中部縣西北七十里延安府志形如覆鐘峻

秀屹立又相近有三鳳岡相傳古有逸人隱此崖間石

刻猶存

龍榮山在中部縣西四里通志元王九皋築砦於上有故趾

玉仙山在中部縣西五里雍勝略山常有仙人往來其處

子午嶺在中部縣西北二百里接合水界太平寰宇記沮水出昇平縣子午嶺通志沮水出此謹案此即合水之

橋山之異名也

回軍嶺在中部縣北六十里縣志元孝子王克已廬墓處

遺谷在中部縣南三十五里太平寰宇記南香水出遺

谷

桑園藥王洞在中部縣西五十里通志深邃可容百人洞中蓮座橫列奇巧得之自然

唐谷洞在中部縣西九十里縣志上有懸崖危嶠下築石城洞中有石井為懸樓六磴道四壁立千仞自下望

之樓閣如在天際已上中部

玉華山在宜君縣西南四十里元一統志有唐建玉華宮宋雍熙初於此獲一角獸時以為麟金於此置玉華

鎮又野火山在縣西南七十里宋張岷遊玉華山記宜道而來者玉華也其南曰野火谷望之如爨烟而莫知其所自也野火之西曰鳳凰谷則唐置宮之故地也蓋

其初有九殿五門而可記其名與處者六其正殿為玉  
 華其上為排雲又其上為慶雲其正門為南風南風之  
 東為太子之居其殿曰耀和門曰嘉禮知其名失其處  
 者一曰金鷄門也過而覽之惟野田荒草而已其西曰  
 珊瑚谷蓋嘗有別殿在焉珊瑚之北蘭芝谷昔唐太宗  
 詔沙門元裝者譯經於此其始曰肅成殿後廢而為寺  
 云中有石巖嶄然天成下有鑿室可容數十人有泉懸  
 勢若飛雨有松十八環其側皆生石上高可十尋端如  
 植筆其西南有崖曰駐鑿其始入也雙壁屹然如削石  
 而成既至其處若視甕側有泉飛而下如懸雨噴珠其  
 名曰水簾稍北有崖與泉亦若是而差小治平三年夏  
 余與六人者來遊乃相與坐石蔭松聽泉而飲之已而  
 覽故宮以徘徊問遺事於田老方囂然不欲歸而余與  
 六人者各以事牽不可久留咸相視有不能歸之色余為  
 之言曰夫山林泉石奇偉之觀常在乎窮僻之處而去  
 人跡甚遠故必為野僧方士與夫幽潛之人所據而有  
 也然幽潛之人知好之而力不足以及營之惟佛老之說  
 可動人徒常獨力而危亭廣廈之富建宮於此隨而  
 擅也夫以唐有天下之盛窮天下之富建宮於此隨而  
 廢沒而杜甫乃其時人過之且有悲傷之感至或形於

歌詩獨寺僧之徒更相傳而不息迄於今而尚存則雖  
 天下之力亦有屈於此與以太宗之賢致治之美宜其  
 久而彌傳也今諸遺老無所稱道而彼元裝者不過一  
 浮屠耳然說者至為荒怪難知而彼元裝者不過一  
 人之情樂於放肆而易忘於中正哉豈物之盛衰廢興  
 亦各有時而此特其盛也與斯可為太息也已若夫太  
 宗之賢天下之力猶不久為悵哉然荒崖窮谷廢宮積地  
 而足矣又何必以不久為悵哉然荒崖窮谷廢宮積地  
 類此之蕭條雖累歲月未嘗有一二人遊焉  
 而余與六人者同時而來亦可謂之盛哉

秦山在宜君縣東南九十里接白水界通志山勢綿亘

相傳唐太宗為秦王時畋獵於此

太子山在宜君縣東南四十里通志相傳秦太子扶蘇

築長城憩此

分水嶺在宜君縣西北四十里太平寰宇記慈烏水出

分水嶺

真人洞在宜君縣西北七十里通志石徑幽折崖壑奇

古已上宜君

大川

鄜州洛水在州東百步自甘泉界流入又南流入洛川

界太平寰宇記洛水又謂之洛交水按三川縣有三川

水謂華池水黑源水洛水同會故名三川謹案三川故

元一統志自州北三十里南楊村入境流七十里至交

口村又南入中部界唐杜甫三川觀水漲詩我經華原

走窮谷火雲無時出飛電常在目自多窮岫雨行潦相

感感翳旬川氣黃羣流會空曲清晨望高浪忽謂陰崖

踏恐泥窺蛟龍登危聚麋鹿枯查卷拔柎礪魄共充塞

聲吹鬼神下世閱人代速不有萬穴歸何以尊四瀆及

觀泉源漲反懼江海覆漂沙折崖去激壑松栢禿乘陵

破山門迴幹裂地軸交洛赴洪河及關豈信宿應沉數

州沒如聽萬室哭穢濁殊未清風濤怒猶蓄何時通舟

車陰氣不黤黷浮生有蕩汨吾道正羈束人寰難容身

石壁滑側足雲雷屯不已艱險路更踞普天無川梁欲

濟願水縮西志中林士未脫衆魚腹舉頭向蒼天安得

騎鴻

葦谷水在鄜州南五里太平寰宇記葦谷水自葦谷東

南流入三川水又砂蘿谷水南流逕黃原祠東合葦川

唐鄭玉葦谷水詩水會三川漾碧波雕陰人唱  
採花歌舊時白翟今荒草葦谷淒淒風雨多  
華池水在鄜州西南明一統志源出慶陽府合水縣東  
流入州界逕直羅故城與黑水合又東南合會道河餘



樂川逕縣北葡萄塞為葡萄河又東南至交口與洛水會亦曰葫蘆河

直羅川水在鄜州南元和郡縣志在直羅縣南二里州

志直羅川自直羅城南注華池水通志黑水在州西南

自合水縣流入東合華池水謹案直羅川水即黑水自合華池水逕中部縣北葡萄塞二水又兼受葡萄河之水一統志載直羅川水而黑水不別為標目陝西通志分為二者非今為正之

大塞門水在鄜州西北十里太平寰宇記大塞門水在

洛交縣西北四里又有小塞門水在縣西北十五里

相思河在州東三十里宋朝類苑鄜州東百里有相思

河河岸有相思舖唐令狐楚題相思舖詩誰把相思號此河塞垣車馬往來多只因自古征

人淚洒向空川作逝波謹案今俗稱為廂西河

牛武川在鄜州東北五里西南流注洛河州志自牛武

城東來入洛

採銅川在鄜州西北十五里通志為杜甫經遊地在羌

村南十里許有一石窟中出石脂就窟可灌成燭至元

七年封扃不採

玉女泉在鄜州治西南雍勝略其水甚甘州志泉出龜

山下已上鄜州

洛水在雒川縣西南七十里自鄜州流入又東南入中

部界通志洛水自鄜州入境南流岸東為雒川岸西為

中部至交口會葫蘆河又南會沮水

鄜水在雒川縣西隋書地理志洛川縣有鄜水

園水在雒川縣西三十里金史地理志洛川縣有園水

謹案園水即園水

仙宮河在雒川縣東南四十里雍勝畧自宜川縣界西

流入洛

楊班湫在雒川縣東南六十里周一里二十步今堙周

地圖記黃梁谷西有小谷由來無水夜中有人就楊班

借車牛十具云我是湫神欲移徙班即備車牛置門前

至明車濕牛汗乃尋車轍至乾谷忽有水方二百餘步

其水極深每水旱祈禱有應謹案郃陽亦有楊班湫蓋堰洿谷水所成也 已上

雒川

洛水在中部縣東北三十五里自鄜州南流逕交口合

葫蘆河又南合沮水流入宜君界元一統志自州境交

口村南流入中部縣又南流十五里至楊家莊合沮水

又東南流四十里至鄜城十二盤出境謹案鄜城今屬洛川縣

沮水在中部縣西又南流入宜君界書禹貢漆沮既從

孔安國傳漆沮二水名亦曰洛水漢書地理志直路縣

沮水出縣西東入洛謹案直路故城在縣西北水經注沮水出直路

縣東南逕焦石山東南流歷檀臺川俗謂之檀臺水屈

而夾山西流又西南逕宜君川太平寰宇記自昇平縣北子午嶺出號子午水下合榆谷慈烏等川為沮水元一統志沮水自子午嶺東南流二百里至縣東三十里楊家莊東南順流入洛縣冊自子午嶺來至三河口納長川葛家川東流十餘里遶城又東流十里與泥水會又東流十餘里入洛

蒲水在縣東北水經注蒲水出中部縣蒲谷原金史地理志中部縣有蒲谷水

泥水在縣北十五里水經注泥水出泥谷

香川水在中部縣西三十里水經注香川水出中部縣

### 北香山

南香水在中部縣南三十五里水經注南香水在縣南上善泉水在中部縣東北二里唐書地理志州郭無水東北七里有上善泉開成二年刺史張怡架水入城以紓遠汲刺史崔駢復增修之人獲其利縣志在橋山東縣北門外沮水岸側其水流入於沮

長生溝在縣東十七里雍勝畧溝水甚清冽已上中部

洛水在宜君縣東北八十里自中部界流入又南與洛川接界又東南入白水界

石盤川水在宜君縣東五十里太平寰宇記源出同官

關中勝蹟圖志 卷二十九

三

縣大石盤山東流入縣界

沮水在宜君縣西又南流入耀州界水經注沮水西南逕宜君川世又謂之宜君水又得黃嶺水口東南流逕祓禱縣魏書地形志宜君縣有宜君水金史地理志宜君縣有沮水通志沮水自正寧界來分二流其一南流馬欄鎮亂石灘合姚渠川南流入耀州界其一東流合寇家河水又合慈烏水又合玉華川仙人溝纏帶谷諸水流逕中部界合於洛一統志按水經注謂沮水下流合銅官注鄭渠而東入洛自鄭渠堙廢沮水故道難考諸志猶從其說至經中部縣南入洛之沮水始於元一

統志禹貢錐指曰爲枝津然此水東流入洛與南流入渭之沮水源流各別非枝津也且今入渭之沮上源太近亦與漢志出直路縣西之說不合通志分東南二流兩存其名今從之

姚渠川在宜君縣西七十里通志源出姚渠邨北三十里核桃溝南流至亂石灘入沮

慈烏水在宜君縣西北四十里太平寰宇記源自昇平縣分水嶺東流入縣界

玉華川在宜君縣西五十里通志源出駐鑿坡之瀑布泉一名醺醪泉流而成川又有仙人溝水在玉華山北

流合玉華川又纏帶谷水在縣西二十里源出艾蒿凹  
逕彭村與玉華川仙人溝水合流至杜村合於東沮水  
至中部入洛

石油井在宜君縣西二十里姚渠村通志村有石井汲  
水澄而取之氣味雖臭可療牛羊癬疥已上宜君

古蹟 宮闕

鄜州唐仁智宮在宜君縣鳳凰谷唐書韋挺傳武德七  
年避暑仁智宮雍錄武德七年造

玉華宮在宜君縣西南唐書地理志在坊州宜君縣北  
四里鳳凰谷元和郡縣志貞觀二十年置冊府元龜太

宗建玉華宮既成正門謂之南風門殿覆瓦外皆葺之  
以茅帝以意在清涼務從儉約匠人以為層巖峻谷元  
覽遐長於是疏泉抗殿包山通苑皇太子所居南風門  
之東正門謂之嘉禮門殿名暉和殿其官曹署寺並皆  
創立及帝遊勅奉御王孝積於顯道門內起紫微殿十  
三間文甃重基高敞宏壯帝見之甚悅太平寰宇記在  
縣西四十里貞觀十七年置其地本縣人秦小龍宅太  
宗曰小龍出大龍入時以為清涼勝於九成宮永徽二  
年有詔廢宮為寺便以玉華為名寺內有肅成殿元奘  
法師於此院譯經每言此寺閻浮之兜率天也雍勝略

初有九殿五門而可記其名與處者六其正殿為玉華其上為排雲又其上為慶雲其正門為南風南風之東為太子之居其殿為暉和門曰嘉禮知其名失其處者

一曰金風門也其西珊瑚谷常有別殿存焉方輿紀要

玉華宮因仁智宮增築唐高宗玉華宮山銘順請銅山鐫芳金石道光軒駕聲流姬跡

引此崇巖介通帝宅峻伴銅柱祥韜金碧飲渭南通鳴岐西格炎生肇授彤暑初融高明什序卜揆裁宮鳳標銜露鳥跂捫空丹谿繚繞璇樹玲瓏逕分餘雲嶺界斜虹流花縹景清籟嘶風波移控鯉雲飛御鶴沉沉松澗萋萋蘭幄霧宿重巒寒生洞壑峯高鳥路月對林乖交藤散綠懸鏡成規鵷歸繞舜鳳下標椅崖依注薛池涵卷施廣運堯心式昭夏諺端靈養白申歌秘殿菌閣流霜椒臺凝霞玉榮則賞瑤池肆晏福壽無疆華封斯薦杜甫玉華宮詩溪回松風長蒼鼠竄古瓦不知何王殿遺構絕壁下陰房鬼火青壞道哀湍瀉萬籟真笙竽秋

色正蕭灑美人為黃土况乃粉黛假當時侍金輿故物獨石馬憂來藉草坐浩歌泪盈把冉冉征途間誰是長年者謹案宮內有宋宋球張道宗張珣詩並冀上之書治平三年五月立柴公玉詩胡授書紹聖四年九月立游師雄記元祐三年四月立盛南仲記王績書八年二月立錢景逢記紹聖中立今並存

臣謹案玉華宮元和志唐志皆云在宜君縣北四里

而太平寰宇記謂在縣西四十里今考宜君故城在

縣治西南唐貞觀中置玉華宮仍於宮側置宜君縣

其後移於今治一統志謂當在五代時諸家記載各

據當時縣治相距之遠近而言所以不同至其創建

之歲元和志在貞觀二十年新唐書從之舊唐書則

謂在二十二年寰宇記又謂在十七年然李吉甫以

唐人而誌唐事語當覈實自宜以元和志為正考宮  
既廢為寺歲久遺構莫存當日所謂卽澗疏隍憑巖  
建宇者無由髣髴見之矣

古蹟 第宅

唐杜甫草堂在鄜州南六十里通志杜甫避難寄此卽

三川也

明田龍三川杜甫草堂詩問柳尋花到草堂急呼村酒醉詩王乾坤無處容衰老風雅何人到

盛唐春雨三川驅瘦馬秋風一劍寄空囊鄜州旅食崢嶸日南北音書共渺茫

保大樓在鄜州城內一統志唐置保大軍節度使故名

古蹟 祠宇

唐武元衡保大樓詩三川會合古鄜州紆紱來寬宵旰憂靜守化條無一事東風獨上夕陽樓

後魏軒轅廟在中部縣北五里冊府元龜魏明元帝泰

常七年幸橋山遣有司祀黃帝廟文成帝和平元年帝

東巡歷橋山祀黃帝廟唐大歷四年四月鄜坊等州節

度使臧希讓上言坊州有軒轅帝陵闕請置廟四時享

祭列於祀典從之揮塵前錄黃帝以后土風后力牧配

祠在坊州通志廟中軒轅栢考之雜記乃黃帝手植物

圍二丈四尺高可凌霄延安府志挂甲栢在軒轅廟黃

帝滅蚩尤歸而挂甲其上至今樹皮有挂甲痕栢液中

出似有斷釘在內老幹細枝痕跡若一縣志廟舊在橋

山西宋開寶中移建今地宋李昉黃帝廟碑序天下暴亂聖人用干戈而靖之天下

寧靜聖人用道德而化之昔有蚩尤肆殘毒孰能去焉  
 涿鹿有氛祲孰能平焉黃帝所以振神威而大定也雲  
 官紀符瑞孰能享焉土德成運數孰能興焉黃帝所以  
 神明德而致太平也披史冊覽五帝之舊記閱經籍稽  
 百王之大典以治世之法為師範以嚴祀之禮立教化  
 大宋闡統之十有三祀開寶紀號之五載彝倫攸敘萬  
 國咸寧西踰邛夔之鄉東極神樞之地北窮絕塞南極  
 丹崖靡不沐皇風而被德教萬里之斥埃無虞四方之  
 風雨咸若文武並用農戰交修師旅無六月之征倉庚  
 備九年之蓄途歌里唱遠頌近謠矣惟我皇帝陛下握  
 乾符受天命為億兆之主居九重之尊靜則端拱凝旒  
 來八方之琛費動則靈旗萃輅盪六合之妖孽園丘展  
 禮天地享其至誠萬物効靈人神協其佳瑞所謂登三  
 皇而邁五帝也一日御便殿顧謂輔臣曰前代帝王有  
 功德昭著澤及生民者宜加崇奉豈可廟貌墮而享祀  
 寂寞乎當命有司遍加興葺輔臣承命拜稱萬歲即曰  
 頌旨洋洋德音無翼而飛騰域中矣今坊州黃帝廟即  
 其一也本郡守土臣以厥功告畢列狀求文詔以掌綸  
 之臣助俾文之以琬琰用紀其修建之跡臣助謹摭舊  
 史而颺言曰昔者炎帝道衰諸侯未制惟力是恃伊民

何依黃帝於是神聰明之德振威武之氣雕虎一嘯猛  
 暴不覺震驚神龍未起陸梁先知悚懼始以兵法治其  
 亂次以帝道柔其心寰海塵飛一朝盡息修德振旅勸  
 農務穡登沅湘而逐薰鬻無遠不臨舉風后而用力牧  
 惟賢是試少昊顓頊嗣其瑞雲之德而宇宙清唐虞堯  
 舜法其垂衣之道而域中化天生斯民樹之司牧為司  
 牧者能以皇帝修身理國之道以御今之世而生靈不  
 登仁壽之域者未之有也天有歷數鍾我皇朝考求參  
 訂徵祀事於前文芷藻蘋蘩薦時羞於廣殿羽衛似巡  
 於東海神兵如戰於阪泉尚憑德於威靈永垂休於黎  
 獻虔遵睿  
 旨謹序

唐安樂寺在鄜州西九十五里直羅鎮通志武德二年

秦王憇兵芸羅寺洎即位改芸羅為安樂移西嶽之上

建殿與塔即今處也開元十二年車駕北征至此前鋒

告捷因改為安定寺宋景德元年重修今俗名栢山寺



開元寺在鄜州治北一統志唐建

寶室寺在鄜州城內通志唐建謹案寺內有鐘唐貞觀三年造正書陰識略云

寺以唐貞觀三年攝提在歲蕤賓馭律景丁統日巳巳司晨用銅三千斤鑄鐘一口大鐘主趙夷杜茂上大將軍張

神安

蒲羅寺在中部縣治北通志貞觀二年建內有塔及藏

經

金石泉寺在雒川縣西北三十里通志寺右有泉味甘

而冽大定初賜額曰靈泉院前有一塔相傳定光佛遺

身舍利藏焉時見瑞光起塔中如純金色

古蹟郊邑

上古黃帝陵在中部縣西北橋山上史記五帝本紀黃

帝葬橋山漢武故事元封元年帝北巡朔方還祭黃帝

於橋山黃帝本行經黃帝冢在坊州橋山雍勝略橋山

在中部縣東北二里其山形如橋沮水環繞之即黃帝

葬衣冠之所周圍城塹五里餘樹栢萬餘株橫順成行

參天傲日數百里外望之猶有烟霞霏微青翠玲瓏之

狀明張三丰橋陵詩披雲履水謁橋陵翠栢烟含玉露

輕袞冕霞飛天地老文章星煥海山清巍巍鳳闕迎

仙島渺渺龍車駐帝城寂寞瑤臺遺漢武一輪皓月古今明

臣謹案橋陵在關中者舊志有三一在慶陽之正寧

一在延安之安定其一在中部三縣皆漢上郡地漢

關中勝蹟圖志 卷二十九  
書地理志上郡陽周縣橋山南有黃帝冢水經注走馬水出長城北陽周故城南橋山上有黃帝冢考正寧在後魏時嘗僞置陽周縣後人誤謂卽漢之陽周因以爲有軒轅陵雍勝略辨之頗詳而猶以魏之陽周故城爲漢之陽周故城則尚未爲精審今按漢陽周故城在安定縣北其地與中部實爲連屬正與班志所述爲合後人因安定爲陽周之沿革故又別於安定不知歷代祀典相沿總在中部尤爲有據也至如記載所志如畿輔之平谷山東之曲阜河南之閿鄉皆有其陵文選注黃帝葬西海橋山語更荒渺無

從考信也已

秦長城在鄜州東北元和郡縣志在洛交縣東北三十里

漢牛武鎮在鄜州東北四十里延安府志董翳遣步將築城練兵蕃牛數千以備戰故名

祁仙臺在中部縣西北橋山黃帝陵前一統志漢武帝用兵朔方還祭黃帝於橋山築此

晉杏城在中部縣西南五里魏書地形志北華州治杏城晉書載記升平初姚襄徙北屈將圖關中

赫連城在鄜州西元和郡縣志在洛交縣西三十六里

赫連勃勃聞劉裕命其子義真等守長安大悅自將兵入長安留其母於此築城以居

隋直羅關在鄜州西北一百里崔仲方所築西接環慶地唐書地理志武德六年置直羅關州志因故直羅城爲名西南通子午嶺西北通保安縣凡二百里皆深谷峻嶺爲一方險要

唐望敵臺在鄜州西北二百里一統志相傳唐太宗征突厥常登此故名

監軍臺在鄜州南五里一統志相傳尉遲敬德演武於此

龍坊鎮在中部縣西北四十里通志唐牧廄所也

宋鄜臺在雒川縣東南一統志元祐二年范純祐爲主簿時築

赤沙城在中部縣西七十里太平寰宇記舊戍城也

礮場在宜君縣西九域志縣有礮場

馬欄鎮在宜君縣西南一百二十里接慶陽界宋史趙珣傳慶歷二年元昊大舉入寇珣會葛懷敏於瓦亭懷敏西至馬欄城珣謂懷敏依馬欄城布柵以扼其路狄青墓在中部縣西黃花谷通志懸崖石洞有石棺在焉



關中勝蹟圖志 卷二十九  
元李杲墓在中部縣東北四十里通志附其祖元帥明  
安答兒墓元史本傳杲字東垣精岐黃學者稱東垣先  
生

王孝子克己墓在中部縣北回軍嶺通志克己事母孝  
母卒廬墓元末紅巾賊至聞其孝引去因名其地曰回  
軍嶺

明黃龍鎮在雒川縣東南一百三十里黃龍山通志嘉  
靖十八年移韓城紫金關於堡內築城周二里有奇舊  
有防兵

石堡在宜君縣東七十里一統志舊有城平原廣阜雉  
堞巍然明末嘗置官署於此

關中勝蹟圖志卷二十九終



東北交邠州界百六十里

東交醴泉縣界三十五里

鎮祿

東交南交蓋屋縣界十九里



北交邠州界百二十五里

西北交邠州界百四十里

西交扶風縣界六十里

西南交扶風縣界七十五里

南交蓋屋縣界九十五里

大峪河

分水嶺

永壽縣

烈山

武陵山

錦川河

漠谷河

龍壇

梁山

玉洞

豹峪

乾州

西原

武功縣



原

雍水

三時原



疆	域	圖
疆	域	圖
疆	域	圖





符二年屬綏德軍金大定二十二年升為清澗縣屬綏

德州元及明初因之後改屬延安府謹案明會典舊隸綏德州嘉靖四十

一年改隸

本朝雍正三年仍屬綏德州形勝延安府志東據黃河西

繞黑水鐘樓官山前後聳峙縣志前河後寨左澗右隘

主草岡而食清流為麟延之衝縣志通志土城宋康定

元年种世衡建明洪武初甃以甃嘉靖中西南二面易

以石周三里有奇門三

吳堡縣釋名元一統志本宋吳堡寨沿革通志治在州

東八十里漢上郡膚施縣地隋唐為石州地宋置吳堡

寨金正大三年升為縣屬葭州元明不改謹案元一統志至元元年

省二年復置明一統志洪武十年主簿蘇正言縣事不敷併綏德州十四年尋復

本朝乾隆元年改屬綏德州形勝延安府志因黃河為池

據西山為城邊陲負險之地縣志左蟠龍穴右踞虎岡

沙漠相連賊陝四塞因河為固夙號銅吳堡邊陲要地

縣城通志明正統中因舊址重築周二里有奇門四

名山

綏德州疏屬山在州城內山海經貳負之臣曰危危與

貳負殺窳窳帝乃梏之疏屬之山郭璞注漢宣帝使人

發上郡疏屬山於盤石中得一人徒裸被髮反縛械一

足羣臣莫能曉劉向按此言對之帝驚異元和郡縣志

龍泉縣有疏屬山亦名雕陰山謹案唐龍泉縣本西魏雕陰郡即今治雍

大記山連城橫峙其形望之如雕刻城在山北故曰雕

陰謹案今之綏德漢之膚施也今之膚施漢之高奴也

五龍山在綏德州西南五里漢書地理志膚施縣有五

龍山路史上郡膚施縣五龍山蓋出治之所也故宣帝

立五龍仙人祠於膚施有帝原水黃帝祠

青龍山在綏德州境太平寰宇記延福縣有青龍山又

有濟陽山角子山橫山謹案延福故城在州東

大力山在綏德州境太平寰宇記廢大斌縣有大力山

又有小力山柱天山

月宮山在綏德州北二里通志有月崖建月宮寺

鳳凰山在綏德州東四十里通志古屯戍處一名鳳宿

嶺相傳有鳳集此謹案唐張潮詩所稱人傳郎在鳳凰山即此

定仙嶺在綏德州東南七十里太平寰宇記延福縣有

定仙嶺延安府志金大定中置堡於此

聖佛崖在綏德州東十五里石佛舖太平寰宇記延福

縣有聖佛崖以上綏德

石佛山在米脂縣東七十里縣志高聳峭特縣境諸山

之冠

白雲山在米脂縣北二里通志環抱縣城又馮家山在

縣北三里其西甚峻有泉湧出峯頂又高家山在縣北

五里下有石洞可容數千人以上米脂

草場山在清澗縣治北百步通志一名草塢山又名砦

山相傳為宋种世衡積草處即古寬州城

吉魚山在清澗縣境太平寰宇記廢城平縣有吉魚山

河班山在清澗縣境太平寰宇記廢城平縣有河班山

保定嶺在清澗縣境太平寰宇記保定嶺在廢城平縣

界蕃部族帳內

吐谷嶺在清澗縣東二十里縣志唐以吐谷渾部族僑

治州界故名嶺之西有苜蓿嶺

白草原在清澗縣東百三十里黃河岸側通志王昌齡

詩云白草原頭望京師黃河水流無盡時即此已上清澗

塞西山在吳堡縣西一里通志宋置吳堡寨於此金為

縣故名南達中原東障黃河層巒拱峙朝氣尤爽

火燒山在吳堡縣北十五里縣志一名桃花莊赤砂紫

石嶙峋列峙可稱奇觀

妙峯山在吳堡縣北七十里縣志又名黑龍岑黃河曲

流如帶臨泉離石諸山如屏上有淨道院

龍鳳山在吳堡縣南十里通志以山勢迴翔故名又名

### 黑虎山

高原砦在吳堡縣西北五十里縣志巍然天際為衆山

### 宗已上吳堡

### 大川附水利

綏德州黃河在州東百二十里自吳堡界流入與山西

永寧州寧鄉縣分界又南入清澗界水經注河水又南

逕離石縣西奢延水注之謹案離石縣今屬永寧州太平寰宇記綏

州延福縣有黃河自撫寧縣流入州東至石州界黃河

一百三十里河上有孟門關在石州西九十五里又州

東南至隰州石樓縣西北黃河為界一百五十里謹案撫寧

縣今屬米脂石州今屬永寧州

無定河在綏德州東門外自米脂界入境又東南入清澗界水經注奢延水自逕膚施縣又東入五龍山帝原水自下亦為通稱歷長城東出於赤翟白翟之中又有平水入之又東走馬水注之元和郡縣志龍泉縣有無定河一名奢延水自撫寧縣界流入沈括夢溪筆談嘗過無定河活沙履之百步皆動如行幕上或陷則人馬車駝無遺或以為即古之流沙元一統志無定河即古囿水以潰沙急流深淺不定故名唐陳祐無定河詩無臺畔旅人情函關歸路千餘里一夕秋風白髮生

平水在綏德州西北城下自米脂縣流入逕州西北東流入無定河今名大力川水經注平水西北出平溪東南入奢延水隋書地理志大斌縣有平水太平寰宇記龍泉縣有大力川在西又廢大斌縣有小力川縣志大中祥符三年趙德明出大理河築柵蒼耳坪又治平四年种諤復綏州夜渡大理水即此謹案大理即大力聲相同故誤走馬水在綏德州東南十里自清澗縣流入又逕州東南入無定河水經注走馬水自陽周東北流入長城又東北流入奢延水

太和川在綏德州東南太平寰宇記廢延福縣有太和

關中勝蹟圖元  
卷三十一  
川謹案大和川今亦稱大和河川當即清澗水也

龍泉在綏德州東三里太平寰宇記唐龍泉縣以此名  
延安府志在無定河東岸泉從石龍口中出故名

嗚咽泉在綏德州東五里名山記相傳即秦太子扶蘇  
賜死處謹案唐胡曾詩有至今谷口聲嗚咽猶似當年恨李斯之句泉蓋以此名之以上綏德

無定河在米脂縣西十里自榆林界入境又東南入綏  
德界水經注奢延水自合帝原水又東逕膚施縣元和

郡縣志無定河自夏州界流入又逕撫寧縣北二十里  
縣志元豐四年种諤攻米脂敗夏人於無定河即此

明堂川在米脂縣西北通志其水自榆林流入無定河

宋元豐五年曲珍敗夏人於明堂川即此謹案即榆林西河

米脂川在米脂縣東南百步雍勝略西南流入於無定

河通志源出張家山地沃宜粟米汁如脂故名宋蘇軾

川大捷詩聞說將軍取乞銀將軍旗鼓捷如神應知無定河邊柳得共中原雪絮春王珪米脂川大捷詩神兵十萬忽乘秋西磧妖氛一夕收匹馬不嘶榆塞外長城自起玉關頭君王別繪凌烟閣將帥今輕定遠侯莫道無人能定國紅旗行去取涼州

平水在米脂縣西六十里自懷遠縣流入雍勝略源出

沙漠紅石川經縣境又入綏德西北城下東北流入無

定河又小力河在縣西百五十里

流金堰在米脂縣南一統志明正德中壘石溪口作堰

長五十餘丈引山水灌田民獲其利已上米脂

黃河在清澗縣東百二十里自綏德界流入與山西石

樓縣分界又南至張家山入延川界水經注河水又南

逕離石縣西奢延水注之又南過土軍縣西謹案離石今屬永寧

州土軍今屬石樓縣

無定河在清澗縣東北自綏德界入境又逕縣東八十

里東南流入黃河水經注奢延水自合走馬水又東與

白羊水合又東入於河

走馬河在清澗縣西北自安定南溝岔入境流七十里

東北逕綏德州入無定河

潭靜注邑人載酒遊覽之所

馬跑泉在吳堡縣西北二十五里通志相傳宋將楊滿

堂經此馬渴甚以蹄跑之泉出已上吳堡

古蹟 祠宇

綏德州秦扶蘇祠在州城內一統志明嘉靖中改建於

疏屬山峯

宋种公祠在清澗縣城內一統志祀宋种世衡

聖母祠在綏德州文屏山下通志綏之東六百里曰太

原與綏皆古晉地洪武初封其神為昭濟顯靈廣惠聖

母命有司歲時致祭

陽中勝蹟圖志 卷三十一  
九真觀在綏德州治西一里一統志宣德中建

古蹟 郊邑

秦長城太平寰宇記城有二一在綏德州西四十五里大力川一在州北二十五里無定河皆蒙恬所築之遺跡

朔方臺在綏德州無定河東岸一統志世傳秦太子扶蘇所築一名扶蘇臺又州北二里有月兒臺

扶蘇墓在綏德州治北關中陵墓志扶蘇墓有四一在臨潼縣藥水村一在平涼府東一在寧縣西一在綏德按綏德古上郡扶蘇監蒙恬軍處賜死葬綏德當是築

白羊水在清澗縣東北源出吐谷嶺東北流五十里入無定河水經注白羊水出於西南白羊溪巡溪東北注於奢延水謹案今謂之白家河

秀延水在清澗縣西城下自安定界來南流入延川界水經注秀延水得浣水口又東會根水露桃水太平寰宇記廢城平縣有清澗水縣志清澗水俗名大河自安定縣流入至縣北官山折而南流過城西迤東遶城南又東南入延川縣即秀延水也亦名吐延水至縣南四十里張家灣曰小呂梁以水勢似之因名

石井在清澗縣城內縣志宋种世衡城清澗乏泉鑿地



關中勝蹟圖志 卷三十一  
百尺餘遇石世衡命屑石一畚予百錢卒得泉今謂之

种公井已上清澗

黃河在吳堡縣東一里自葭州流入與山西永寧州分界又南入綏德州界水經注河水又南湯水注之縣志自縣北螞蚱谷入境經川口至丁家畔二十里曲折南流經下沙灘橫溝砦李家溝七十里至城下復轉而西流入綏德州界

水灘水在吳堡縣北十里縣志二泉交流頗為勝槩流十餘里至宋家灘入河

流觴池在吳堡縣南二里石塔寺下通志澗水曲流清

映榴嗚咽泉賦序雕山之巔扶蘇冢在焉時有白虹出冢中去冢不五里有泉曰嗚咽相傳為扶蘇自裁處

蒙恬墓在綏德西南一里通志在大力河北岸天寧寺下

晉吳兒城在綏德州西北元和郡縣志在龍泉縣西北四十里初赫連勃勃破劉義真於長安遂徙其人築此城以居之號吳兒城

唐寬州石城在清澗縣東北山上通志今縣東二十里有石城即唐初置寬州城也今名後山砦

宋相思亭在綏德州南三十里一統志西北二水交會

於此宋司馬光相思亭詩嶺上雙流水猶知會合時行人經過此那得不相思

義合砦在綏德州東六十里宋史地理志本夏人砦元豐四年收復

開光堡在綏德州北四十里宋史地理志紹聖四年修築元符元年賜名種諤傳熙寧四年諤遣都監趙璞築

撫寧故城及分荒堆三泉吐渾川開光嶺葭蘆川諸砦大理河橋渡在綏德州南城外宋史種諤傳治平四年

諤復綏州夜渡大理河周美傳美率衆由廳子部西濟大理河

永樂城在米脂縣西宋史徐禧傳元豐初種諤西討得

銀夏宥三州而不能守延帥沈括欲城永樂詔禧往相

其事禧言銀州雖據明堂川無定河之會而故城東南已為河水所吞西北又阻天塹不如永樂形勢險阨遂

城永樂地理志即永樂小川築新城距故銀州二十五里前據銀州大川賜名銀川砦旋被西人所陷崇寧四

年收復仍為銀州五年廢為銀川城清澗砦在清澗縣東北十里通志東控黃河西岸本隋

綏平縣地名清澗川宋慶歷中築順安砦在清澗縣東北八十里宋史地理志延州延川

縣舊砦元符二年廢後復置九域志延川有順安白草

永平三砦縣志宋初建南安砦康定中棄之慶歷中修復改今名

白草砦在清澗縣東北一百餘里通志在黃河岸側內有新井宋嘉祐白草砦主康惟幾鑿正德間邊患急知縣趙輅恐井不足用更鑿一井引東河水自城下穿入宋史地理志延州延川縣舊砦元符二年廢後復置縣志東扼黃河伏落關路北控綏德州鐵茄坪定仙嶺滿堂川三路最爲要害之地

營田堡在清澗縣南三十里通志種世衡營田處

老鴉關渡在清澗縣東一百二十里通志老鴉關通志山

西石樓縣卽宋種世衡城清澗致河東之粟處隄址猶存

吳崖寨在吳堡縣東北六十里通志下臨黃河邊防要地宋時設守對峙有吳兒寨又縣北七十里虎頭寨東臨黃河石崖三級洵天險也

韓王母墓在清澗縣北五十里官山嶺譚吉璫韓王母墓辨清澗之北五十里爲官山嶺嶺之中有韓王母墓不封不植而居人至今不敢耕牧也土人云齊王韓信母冢冢之下有坎窞數十處皆深至丈許云作竈井設伏者夫韓信生淮陰未嘗至清澗北盟會編云韓世忠

綏德軍人少時曾戲槊於二郎山謹案二郎山亦名此文屏山在州城南此

宋史所不載宜其母墓不著也今韓王母墓為世忠母

墓無疑至坎其下塹其旁皆宋人拒馬處也南渡後韓

王故鄉已沒於金尚得封識之乎

任泰亨墓在清澗縣西七里紙張溝縣志泰亨仁宗朝

兵部尚書勅命祭葬今翁仲猶存

明葫蘆堡在米脂縣西四十里通志明置

寧川堡在清澗縣西三十里通志名柳家坪大川平

坦路通安定又石嘴岔堡在縣北七十里又田家堡在

縣北一百里三堡皆嘉靖中築

郝志義墓在清澗縣北八十里縣志志義刑部右侍郎

子序援例乞祭葬劉瑾謂洪武禮制無此例下序獄詔

謫戍瑾敗乃復

三十終

